



SLUŽBENI GLASNIK

Godina:	XX.	Broj:	1	Odžak, 8. 1. 2017. godine
----------------	------------	--------------	----------	----------------------------------

SLUŽBENI GLASNIK

Godina:	XX.	Broj:	1	Odžak, 8. 1. 2017. godine
----------------	------------	--------------	----------	----------------------------------

Na temelju članka 25. stavak 18. Statuta Općine Odžak (*“Službeni glasnik Općine Odžak” br. 2/09*), Odluke o općinskim priznanjima br. 01-01-6/03 (*“Službeni glasnik Općine Odžak” br. 1/03*) i Odluke o izmjeni i dopuni Odluke o općinskim priznanjima br. 01-01-117/05 (*“Službeni glasnik Općine Odžak” br. 1/05*), Općinsko vijeće Odžak na X. redovitoj sjednici održanoj dana 8. 1. 2018. donosi:

**ODLUKU O RASPISIVANJU JAVNOG POZIVA
za predlaganje kandidata za dodjelu priznanja općine Odžak**

Članak 1.

Raspisuje se Javni poziv za predlaganje kandidata za dodjelu priznanja općine Odžak.

Članak 2.

Javni poziv iz prethodnog članka ove Odluke objavit će se najmanje na službenoj web stranici i oglasnoj ploči Općine Odžak.

Članak 3.

Postupak Javnog poziva temeljem ove Odluke provesti će Povjerenstvo za općinska priznanja Općinskog vijeća Odžak.

Članak 4.

Sastavni dio ove Odluke je tekst Javnog poziva za predlaganje kandidata za dodjelu priznanja općine Odžak koji će se objaviti na način utvrđen u članku 2. ove Odluke.

Članak 5.

Ova Odluka stupa na snagu danom donošenja a ista će se objaviti u *„Službenom glasniku Općine Odžak“*.

**BOSNA I HERCEGOVINA
FEDERACIJA BOSNE HERCEGOVINE
ŽUPANIJA/KANTON POSAVSKI
OPĆINA ODŽAK
OPĆINSKO VIJEĆE**

Broj: 01-01-01/18

Datum: 8. 1. 2018. god.

PREDSJEDATELJ OV-a

Mujo Puzić

**BOSNA I HERCEGOVINA
FEDERACIJA BOSNE I HERCEGOVINE
KANTON/ŽUPANIJA POSAVSKA
OPĆINA ODŽAK- OPĆINSKO VIJEĆE**

U.br. 01-01-1/18

Datum, 08.01.2018. godine

Na temelju članka 25. Statuta općine Odžak (*“Službeni glasnik općine Odžak “ br. 2/09), te Odluke o općinskim priznanjima br. 01-01-6/03 i Odluke o izmjenama i dopuni Odluke o općinskim priznanjima br. 01-01-117/05)* Općinsko vijeće Odžak objavljuje:

**J A V N I P O Z I V
za predlaganje kandidata za dodjelu priznanja općine Odžak**

U povodu 08.veljače/februara, Dana općine Odžak, pozivamo zainteresirane pravne i fizičke osobe da podnesu prijedloge za dodjelu priznanja općine Odžak i to:

- **Povelja**
- **Spomen zahvalnica**
- **Zahvalnica**
- **Počasni građanin**

Prijedlog za dodjelu priznanja mogu podnijeti: vijećnici Općinskog vijeća, općinski načelnik, političke stranke, institucije, udruženja građana, Mjesni odbori i druge pravne osobe koje imaju sjedište na području općine Odžak.

Općinska priznanja se mogu dodijeliti: pojedincima, poduzećima, ustanovama, udrugama građana i drugim pravnim osobama za:

- *istaknut doprinos u Domovinskom ratu za obranu općine Odžak,*
- *istaknut doprinos, uloženi rad i sredstva u obnovi i izgradnji općine,*
- *uloženo znanje, zalaganje i rad koji doprinosi ugledu općine,*
- *moralne vrijednosti koje služe za primjer rada, suradnje, vjerske i nacionalne tolerancije i demokracije.*

Prijedlozi za dodjelu priznanja općine Odžak podnose se u pisanom obliku sa detaljnim obrazloženjem, sukladno navedenim kriterijima, **najkasnije do 17.01.2018. godine** neposredno putem općinske šalter sale ili poštom na adresu:

**Općina Odžak-Općinsko vijeće
Povjerenstvo za općinska priznanja
Trg br. 3
76 290 ODŽAK**

Nepotpune i neblagovremene prijave neće biti razmatrane.

**PREDSJEDNIK
Povjerenstva za općinska priznanja**

Dragan Guberac

Općinsko vijeće Odžak, na temelju članka 13. stavak 2. alineja 5. Zakona o principima lokalne samouprave Federacije Bosne i Hercegovine („Službene novine F BiH“, broj: 49/06, 51/09) i članka 25. stavak 2. točka 11. Statuta Općine Odžak („Službeni glasnik Općine Odžak“, broj: 2/09), na X. redovitoj sjednici održanoj dana 8. 1. 2018. godine, donijelo je

ODLUKU **o davanju suglasnosti za sklapanje ugovora**

Članak 1.

Ovom Odlukom se određuje da će se dio parcele označene kao k.č. broj 1447, zvana Gaj, površine 2182 m², upisana u posjedovni list broj 721 za k.o. Novi Grad, posjednika DS:OPĆINA ODŽAK sa dijelom 1/1, koja po starom premjeru odgovara dijelu parcele broj 435/9 iz ZK uložka broj 106 koji se vodi za k.o. SP Novi Grad, dati u zakup.

Članak 2.

Dio zemljišta preciziranog u članku 1. ove Odluke, površine 150 m² će se dati u zakup JP Hrvatske Telekomunikacije d.d. Mostar, u svrhu postavljanja bazne postaje uz korištenje pristupnog puta, na period od 10 (deset) godina, a zakupnina će iznositi 250,00 KM mjesečno.

Dio zemljišta preciziranog u članku 1. ove Odluke, površine 150 m² će sporazumno odrediti zakupodavac i zakupoprimalac, uz stručnu pomoć Službe za prostorno uređenje i katastar nekretnina općine Odžak.

Članak 3.

Posebnim ugovorom između zakupodavca Općine Odžak i zakupoprimalca JP Hrvatske Telekomunikacije d.d. Mostar će se definirati svi međusobni odnosi.

Ovlašćuje se Općinski načelnik da u ime Općine Odžak zaključi ugovor o zakupu dijela zemljišta preciziranog u članku 1. ove Odluke.

Članak 4.

Sredstva ostvarena na temelju zakupa dijela zemljišta preciziranog u članku 1. ove Odluke, do donošenja sustavnog rješenja za sve mjesne zajednice na čijim su teritorijama postavljene bazne stanice ili kontejneri MSAN, zadržava Općina Odžak.

Članak 5.

Ova Odluka stupa na snagu osmoga dana od dana objavljivanja u „Službenom glasniku Općine Odžak“.

BOSNA I HERCEGOVINA
FEDERACIJA BOSNE I HERCEGOVINE
KANTON-ŽUPANIJA POSAVSKA
OPĆINA ODŽAK
OPĆINSKO VIJEĆE

Broj : 01-01- 02/18
Datum : 8. 1. 2018. godine

PREDSJEDATELJ OV-a

Mujo Puzić

Na osnovu čl. 48 stavak 3 Zakona o prostornom uređenju i građenju Županije Posavske ("Narodne novine Županije Posavske", broj 6/16), članova 18 - 25 Uredbe o jedinstvenoj metodologiji za izradu planskih dokumenata ("Službene novine FBiH", br. 63/04, 50/07 i 84/10), čl. 25 stavak 2 alineja 9 Statuta Općine Odžak ("Službeni glasnik Općine Odžak", broj 2/09), te Odluke o pristupanju izradi Prostornog plana općine Odžak za period 2015. - 2035. godine ("Službeni glasnik Općine Odžak", broj 5/15), Općinsko vijeće na X. redovitoj sjednici održanoj dana 8. 1. 2018. godine, donosi:

O D L U K U
O USVAJANJU PROSTORNOG PLANA OPĆINE ODŽAK
ZA PERIOD 2015 – 2035. GODINE

Članak 1.

Usvaja se Prostorni plan općine Odžak za period 2015. – 2035. godine (u daljem tekstu Prostorni plan).

Članak 2.

Sastavni dio ove Odluke je Prostorni plan koji sadrži:

a. Prostornu osnovu, koja se sastoji od:

- Tekstualnog dijela, koji čine:
 - 1) Uvodni dio,
 - 2) Postojeće stanje,
 - 3) Opći ciljevi prostornog razvoja,
 - 4) Posebni ciljevi prostornog razvoja,
 - 5) Osnovna koncepcija prostornog razvoja i
- Grafičkog dijela, kojeg čine sljedeći grafički prilozi:
 - 1. Izvod iz Prostornog plana Bosne i Hercegovine za period od 1981. do 2000. godine
 - 2. Korištenje zemljišta - CORINE LC 2012
 - 3. Teritorija, granice i administrativno – teritorijalna podjela
 - 4. Inženjerskogeološka karta
 - 5. Hipsometrijska karta
 - 6.1. Pedološka karta
 - 6.2. Agrozona
 - 6.3. Poljoprivredno zemljište
 - 7. Šume i šumska zemljišta
 - 8. Vode
 - 9. Mineralne sirovine
 - 10. Gustina naseljenosti 2013. godine
 - 11. Mreža naselja
 - 12. Prometna infrastruktura
 - 13. Telekomunikaciona infrastruktura
 - 14. Energetska infrastruktura
 - 15. Hidrotehnička infrastruktura

16. Prostorna organizacija gospodarstva i razvoj turizma
17. Društvene djelatnosti
18. Izvori zagađenja (pritisaka) i ugrožena područja
19. Prirodno i kulturno - povijesno nasljeđe
20. Osnovni koncept prostornog razvoja

b. Prostorni plan, koji se sastoji od:

- Tekstualnog dijela, koji čine:
 - 1) Opći i posebni ciljevi prostornog razvoja,
 - 2) Projekcija prostornog uređenja ,
 - 3) Projekcija razvoja prostornih sustava i
- Grafičkog dijela, kojeg čine sljedeći grafički prilozi:
 1. Izvod iz Prostornog plana Bosne i Hercegovine za period od 1981. do 2000. godine
 2. Sintezni prikaz postojećeg stanja prostornog uređenja
 3. Sustav naselja sa društvenom infrastrukturom
 - 4a. Poljoprivredna zemljišta
 - 4b. Šume i šumska zemljišta
 5. Vode i vodene površine
 6. Mineralne sirovine
 7. Gospodarske zone
 - 8a. Površine za proizvodnju i prijenos energije
 - 8b. Vodna infrastruktura
 - 9a. Prometne površine i koridori
 - 9b. Telekomunikaciona infrastruktura
 10. Zaštićeni objekti i površine kulturno - povijesnog i prirodnog nasljeđa i prostori predviđeni za sanaciju
 11. Površine namijenjene za sport, rekreaciju i turizam
 12. Površine namijenjene deponovanju komunalnog otpada
 13. Neplodna i druga zemljišta koja se ne mogu koristiti
 - 14a. Sintezni prikaz korištenja prostora i razvoj prostornih sistema u planskom periodu
 - 14b. Urbana i ruralna područja - režimi građenja

Svi grafički prilozi, osim Izvoda iz Prostornog plana Bosne i Hercegovine za period 1981. - 2000. godina (razmjera 1:1.250.000) su u razmjeri 1:25.000.

Članak 3.

Uvjeti korištenja, izgradnje, uređenja i zaštite prostora utvrdit će se Odlukom o provođenju Prostornog plana.

Članak 4.

Sastavni dio ove Odluke čini Odluka o provođenju Prostornog plana općine Odžak za period 2015 – 2035. godine.

Članak 5.

Nositelj pripreme Plana bila je Služba za prostorno uređenje i katastar nekretnina općine Odžak. Nositelj izrade Plana bio je Urbis centar d.o.o. Banja Luka.

Članak 6.

Ova Odluka stupa na snagu osmog dana od dana objavljivanja u "Službenom glasniku općine Odžak".

**BOSNA I HERCEGOVINA
FEDERACIJA BOSNE HERCEGOVINE
ŽUPANIJA/KANTON POSAVSKI
OPĆINA ODŽAK
OPĆINSKO VIJEĆE**

Broj: 01-01-04/18

Datum: 8. 1. 2018. godine

PREDSJEDATELJ O.V.-a

Mujo Puzić

Na osnovu čl. 15 Zakona o prostornom planiranju i korištenju zemljišta na razini Federacije Bosne i Hercegovine ("Sl. novine FBiH", broj 2/06, 72/07, 32/08, 4/10, 13/10 i 45/10), čl. 24 i 43 Uredbe o jedinstvenoj metodologiji za izradu dokumenata prostornog uređenja ("Sl. novine FBiH", broj 63/04, 50/07 i 84/10), čl. 28 Zakona o prostornom uređenju i građenju Županije Posavske ("Narodne novine Županije Posavske", broj 6/16), čl. 25 stavak 2. alineja 9. Statuta općine Odžak ("Službeni glasnik Općine Odžak", broj 2/09), te Odluke o pristupanju izradi Prostornog plana općine Odžak za period 2015 - 2035. godine ("Službeni glasnik Općine Odžak", broj 5/15), Općinsko vijeće na X. redovitoj sjednici održanoj dana 8. 1.2018. godine, donosi:

O D L U K U
o provođenju Prostornog plana općine Odžak
za period 2015. – 2035. godine

DIO PRVI - OPĆE ODREDBE

Članak 1.

Prostorni plan Prostornog plana općine Odžak za period 2015 - 2035. godine (u daljem tekstu: Prostorni plan) je obavezujući planski dokument kojim se određuje svrsishodno organiziranje, korištenje i namjena zemljišta, te mjere i smjernice za zaštitu prostora općine Odžak koja obuhvata ukupnu površinu od 164.47 km² (podatak kao rezultat digitalne obrade).

Članak 2.

Ovom Odlukom se utvrđuju uvjeti korištenja, izgradnje, uređenja i zaštite prostora, čime se obezbjeđuje realiziranje Prostornog plana.

Članak 3.

(1) Prostorni plan, u skladu sa člankom 26. Uredbe o jedinstvenoj metodologiji za izradu dokumenata prostornog uređenja ("Službene novine Federacije BiH", broj: 63/04, 50/07 i 84/10, u daljem tekstu: Uredba), sadrži:

a) Prostornu osnovu, koja se sastoji od:

Tekstualnog dijela, koji čine:

- 1) Uvodni dio,
- 2) Postojeće stanje,
- 3) Opći ciljevi prostornog razvoja,
- 4) Posebni ciljevi prostornog razvoja,
- 5) Osnovna koncepcija prostornog razvoja i

Grafičkog dijela, kojeg čine 21 digitalna grafička priloga u razmjeri 1:25.000 i jedan grafički prilog u razmjeri 1:1.250.000 (Izvod iz Prostornog plana Bosne i Hercegovine za period 1981 - 2000. godina).

b) Prostorni plan, koji se sastoji od tekstualnog i grafičkog dijela i to:

Tekstualni dio čine:

- 1) Opći i posebni ciljevi prostornog razvoja,
- 2) Projekcija prostornog uređenja ,
- 3) Projekcija razvoja prostornih sustava.

Grafički dio Prostornog plana sadrži 17 digitalnih grafičkih priloga u razmjeri 1:25.000

i jedan grafički prilog u razmjeri 1:1.250.000 (Izvod iz Prostornog plana Bosne i Hercegovine za period 1981 - 2000. godina).

Članak 4.

Svi nadležni organi i službe na razini općine Odžak obavezni su izvršiti evidenciju do sada donesenih planskih dokumenata, utvrditi njihovu usklađenost sa odredbama Prostornog plana, te predložiti njihovo usklađivanje Općinskom vijeću.

Članak 5.

Prostorni plan općine je osnov za izradu i donošenje ostalih planskih dokumenata kao narednih faza detaljnijeg planiranja uređenja prostora.

DIO DRUGI - PROGRAM MJERA I AKTIVNOSTI ZA PROVOĐENJE PROSTORNOG PLANA

Članak 6.

Program mjera i aktivnosti za provođenje Prostornog plana odnosi se na prvu etapu od njegovog donošenja, odnosno za prvi četverogodišnji period realiziranja Plana nakon usvajanja Plana.

Programom mjera i aktivnosti utvrđuju se okviri na osnovu kojih će organi i službe općine Odžak utvrđivati i donositi mjere u skladu sa novom politikom i legislativom usklađenom sa legislativom Europske unije.

POGLAVLJE I. POPULACIONA POLITIKA

Članak 7.

(1) Stavljanje pod kontrolu procesa depopulacije i preobražaja stanovništva utvrđuje se kao opća potreba Bosne i Hercegovine, Federacije BiH, Županije Posavske, pa tako i općine Odžak.

(2) U cilju postizanja demografskog oporavka općine, neophodno je stvoriti povoljne uvjete za ostvarivanje najvažnijih ciljeva demografskog razvoja koji podrazumjevaju:

- a) porast ukupnog broja stanovnika kao rezultat pozitivnog demografskog kretanja,
- b) povećanje nataliteta i podmlađivanje stanovništva,
- c) povratak izbjeglih i raseljenih osoba,
- d) ublažavanje prostorne polarizacije i ravnomjerniji razmještaj stanovništva,
- e) porast broja radnih mjesta i ekonomskog aktiviranja stanovništva.

Članak 8.

(1) Populaciona politika u općini Odžak, u funkciji ostvarivanja navedenih ciljeva u članku 7. ove Odluke, treba da sadrži kompleksne programe mjera iz područja: pravnog sustava, gospodarstva, financiranja i poreza, zdravstvene i socijalne zaštite, radnih odnosa i zapošljavanja, obrazovanja i drugih oblasti relevantnih za razvoj stanovništva.

(2) Programom mjera iz područja utvrđenih u stavu jedan ovog članka, neophodno je postići:

- a) povećanje nataliteta, kroz razvijanje svijesti o značaju formiranja obitelji, zaštite obitelji, motivaciju rađanja, zaštitu reproduktivnog zdravlja, i stabilizaciju mortaliteta,

- b) zaustavljanje iseljavanja, posebno mladih i obrazovanih osoba, kao i veći i efikasniji povratak bivših stanovnika,
- c) razvitak djelatnosti koje angažuju veći broj nezaposlenih,
- d) poticanje razvoja ruralnih naselja, posebno sa stanovišta urbanizacije i otvaranja novih radnih mjesta.

POGLAVLJE II. GOSPODARSKA POLITIKA

Članak 9.

U oblasti gospodarske politike općine Odžak, naročita pažnja će se posvetiti sljedećem:

- a) posebnim mjerama gospodarske politike gospodarski razvoj usmjeravati na ubrzavanje razvoja zona lokalnih centara Donji Svilaj i Gornja Dubica, prvenstveno kroz kvalitetnu prostornu distribuciju gospodarskih kapaciteta kako bi se mjesta rada približila mjestu stanovanja,
- b) posebnim mjerama uticati na kvalitet uvezenih "čistih" tehnologija i tehničkih sredstava u cilju obezbjeđenja preduvjeta za usmjeravanje održivog razvoja, naročito sa aspekta zaštite i unapređenja kvaliteta okoliša,
- c) kreditnim, poreskim i drugim mjerama gospodarske politike stvarati uvjete za povećano i kvalitetno zapošljavanje, prvenstveno u primarnoj i sekundarnoj proizvodnji, kao i gospodarskim djelatnostima tercijarnog sektora,
- d) usklađenom politikom ekonomskih odnosa sa inozemstvom i sa politikom Europske unije, usmjeravati povećanje kvaliteta proizvoda i usluga u cilju njihove konkurentne sposobnosti za plasman na inozemnim tržištima, a time uticati i na smanjenje uvoza i spoljnotrgovinskog debalansa.

POGLAVLJE III. ZEMLJIŠNA POLITIKA

Članak 10.

S obzirom da zemljišna politika predstavlja bitan okvir ukupnog razvoja, mjerama zemljišne politike će se obezbjeđivati racionalno korištenje i zaštita zemljišta od neplanskog korištenja. Primarno će se obezbjeđivati zaštita zemljišta za unaprijeđenje poljoprivredne proizvodnje, a politikom cijena i na druge načine usmjeravat će se tokovi urbanizacije i korištenje planiranog građevinskog zemljišta. U tom pravcu će se:

- a) istražiti i izvršiti vrednovanje kvaliteta poljoprivrednog zemljišta u cilju njegove zaštite i unaprijeđenja poljoprivredne proizvodnje,
- b) istražiti i izvršiti ekonomsko vrednovanje zemljišta, sa elementima koji utiču na vrijednost (cijena neizgrađenog zemljišta, troškovi uređenja, vrijednosni izrazi svih vrsta rente i drugo), uz diferenciranje vrijednosti i cijene zemljišta po vrstama namjene,
- c) propisima na osnovu izvršene valorizacije vrijednosti poljoprivrednog zemljišta obezbjeđiti priliv kvalitetnih finansijskih sredstava za razvoj poljoprivredne proizvodnje, kao i izgradnju novih i unapređenje postojećih komunalnih infrastrukturnih sustava i uređivanje zemljišta, posebno u urbanim područjima,
- d) kao jedna od okosnica za donošenje mjera i propisa u ovoj i drugim oblastima uređenja, korištenja prostora, neophodno je razvijati i unapređivati geografski informacijski sustav (GIS) koji će biti registar (katastar) svih nekretnina (zemljišta, objekata, infrastrukture),
- e) u provođenju Prostornog plana u oblasti zemljišne politike, osnovu čine odredbe ove Odluke.

POGLAVLJE IV. INVESTICIJSKA I FISKALNA POLITIKA

Članak 11.

Investicijska i fiskalna politika, koje imaju presudan uticaj na intenzitet i kvalitet korištenja i

uređenja prostora, će biti naročito pažljivo određivane i usmjeravane, posebno kada su u pitanju investicije inozemnih ili zajedničkih domaćih i inozemnih investitora, kao i kada je u pitanju uređenje prostora i izgradnja infrastrukturnih sustava na svim razinama u općini. U tom pravcu će se, posebno:

- a) racionalizovati i na najmanje vremenske intervale skratiti procedura registracije firmi, odobravanja lokacija i pribavljanja dokumenata potrebnih za otvaranje procesa investiranja,
- b) podržavati politika stimuliranja investitora za izgradnju objekata sa suvremenim proizvodnim tehnologijama koje su kompatibilne sa postojećim proizvodnjama u općini i okruženju, kao i onih koji omogućavaju visoke standarde u kvalitetu proizvoda, veći broj zaposlenih i veće profite,
- c) budžet općine i gospodarski subjekti će, u interesu ubrzanijeg razvoja, poticati i pomagati infrastrukturne projekte, naročito one koji omogućavaju širi dijapazon kvalitetnih veza sa širim okruženjem, kao i onih koji obezbjeđuju kvalitetno vodosnabdijevanje stanovništva i gospodarstva, te reguliranje odvodnje i prečišćavanja otpadnih voda,
- d) fiskalnom politikom, općina će poticati i usmjeravati intenzivnu primarnu poljoprivrednu proizvodnju na svim prostorima gdje to prirodni uvjeti i mogućnosti dozvoljavaju, kao i plansko upravljanje i korištenje šumskih resursa,
- e) uz inoviranje politike koncesija kroz izdvajanja za istraživanja potencijalnih područja ležišta mineralnih sirovina i koristeći pozitivan eksterni uticaj planirane autoceste, obezbjeđiće se povećanje interesa za koncesijama, što može uticati na povećanje finansijskih kapaciteta u budžetu općine,
- f) poduzimati mjere za ostvarivanje kvalitetnih uvjeta zaštite i unapređenja okoliša i održivog razvoja.

POGLAVLJE V. OBAVEZE DETALJNIJEG PLANIRANJA UREĐENJA PROSTORA

Članak 12.

- (1) Prostornim planom općine Odžak utvrđuje se obaveza izrade sljedećih planskih dokumenata:

a) Urbanistički plan za urbano područje Odžak

b) Detaljni dokumenti prostornog uređenja (regulacijski planovi i urbanistički projekti) za:

- 1) urbana područja ili dijelove urbanih područja Donji Svilaj, Gornji Svilaj i Gornja Dubica,
- 2) proizvodno - poslovne zone Svilaj 1 – 3 i Novi Grad,
- 3) proizvodno - poslovne zone i komplekse unutar urbanih područja, sportsko – rekreacijske komplekse, društveno – opslužne centre i dr. veće sadržaje, koji će se definirati urbanističkim planom,
- 4) kulturno – povijesne i prirodne cjeline koje će se definirati urbanističkim planom.

- (2) U slučaju potrebe, općina Odžak, može utvrditi prioritete izrade detaljnih planskih dokumenata.

Članak 13.

Planske dokumente je obavezno raditi u propisanom obliku i razmjeri prema važećoj Uredbi.

POGLAVLJE VI. IZVJEŠĆE O STANJU PROSTORA NA PODRUČJU OPĆINE

Članak 14.

Obaveza nadležne općinske službe je izrada Izvješća o stanju prostora na području općine po isteku dvije godine od donošenja Plana.

Na osnovu Izvješća o stanju prostora donosi se četverogodišnji Program mjera za unaprijeđenje stanja u prostoru, koji sadrži i procjenu potrebe izrade novih, odnosno izmjenu i dopunu postojećih planskih dokumenata.

DIO TREĆI - UREĐENJE PROSTORA

Članak 15.

Prostornim planom općine Odžak utvrđene su granice urbanih područja nanosene sa preciznošću koju omogućavaju digitalne geodetske podloge, kao i geodetske podloge u razmjeri 1:2500 za područje naseljenog mjesta Brusnica Mala, te aerofotogrametrijski snimak u razmjeri 1:5000.

Urbana područja prikazana su na grafičkom prilogu broj 14a Prostornog plana.

POGLAVLJE I. URBANA PODRUČJA

Članak 16.

U obuhvatu Prostornog plana općine Odžak postoji 14 naseljenih mjesta, a utvrđeno je 13 urbanih područja u ukupnoj površini od 1631.52 ha i 1366 građevinskih zemljišta van urbanih područja u ukupnoj površini od 541.26 ha.

POGLAVLJE II. REŽIMI GRAĐENJA

Članak 17.

Prostornim planom, u skladu sa Zakonom, utvrđuju se sljedeći režimi građenja:

- a) Režim građenja prvog stupnja – predviđa se za sva područja za koja se utvrdi obaveza izrade detaljnih planskih dokumenata – zoning plana, regulacijskog plana i urbanističkog projekta.
- b) Režim građenja drugog stupnja – predviđa se za dio urbanog područja Odžak za koji nije utvrđena obaveza izrade detaljnih planskih dokumenata.
- c) Režim građenja trećeg stupnja – predviđa se za dijelove vangradskih urbanih područja za koje je utvrđena obaveza izrade plana parcelacije.
- d) Režim građenja četvrtog stupnja – predviđa se za sva građevinska zemljišta van urbanih područja (nije utvrđena obaveza donošenja plana parcelacije).

Pregled režima građenja dat je u poglavlju XVII Prostornog plana (Projekcija prostornog razvoja), kao i na grafičkom prilogu br. 14b Prostornog plana.

POGLAVLJE III. ODNOS PREMA GRAĐEVINAMA OD ZNAČAJA ZA FEDERACIJU BIH I ŽUPANIJU

Članak 18.

Građevine koje su iz bilo kojih razloga od posebnog interesa za Federaciju BiH i Županiju, moraju se obavezno adekvatno tretirati kroz izradu detaljnih planskih dokumenata, na način da se obezbijede svi potrebni uvjeti planirane namjene instaliranih kapaciteta, kao i prikupljanje,

distribucija i odlaganje svih vrsta otpadaka.

Na objektima koji su od posebnog interesa za Federaciju BiH i Županiju, svaka intervencija podliježe posebnom tretmanu i u svakom konkretnom slučaju nadležni organi dužni su vlasniku ili korisniku dati iscrpnu informaciju o načinu i uvjetima pod kojim mogu ostvariti svoj zahtjev.

POGLAVLJE IV. SMJEŠTAJ GOSPODARSKIH SADRŽAJA U PROSTORU

Članak 19.

Prostornim planom utvrđene su proizvodno - poslovne zone koji obuhvataju postojeće i planirane površine za razvoj gospodarskih djelatnosti koje imaju veličinu iznad 5 ha.

Pregled postojećih i planiranih površina dat je u poglavlju IV Prostorne osnove (Postojeće stanje) i poglavlju X Prostornog plana (Projekcija prostornog razvoja), kao i na grafičkim prilogima br. 7 i 14a Prostornog plana.

Članak 20.

Precizne granice proizvodno - poslovnih zona, te eventualne nove lokacije za koje se ukaže potreba, biće definirane detaljnim planskim dokumentima.

Kod određivanja lokacija novih gospodarskih sadržaja obavezno će se uzimati u obzir opremljenost prometnom i ostalom infrastrukturom, te voditi računa da se obezbjedi dovoljan prostor za budući razvoj, i da nove lokacije ne budu u suprotnosti sa planiranom namjenom zemljišta i mjerama zaštite okoliša.

Članak 21.

Eksploataciona polja na kojima je završena eksploatacija, nakon provedenog postupka rekultivacije, mogu se koristiti za razvoj drugih namjena u skladu sa zakonskim propisima.

POGLAVLJE V. SMJEŠTAJ DRUŠTVENIH DJELATNOSTI U PROSTORU

Članak 22.

U cilju omogućavanja i poticanja razvoja ljudskih resursa i uopće napretka unutar jedne zajednice, neophodno je obezbjediti izgradnju objekata društvene infrastrukture i urbane opreme (obrazovanje, znanost, kultura, sport i fizička kultura, zdravstvo, socijalna zaštita, objekti snabdjevanja, usluge, servisi, zelene površine i sl.).

Izgradnju objekata društvene infrastrukture i urbane opreme planirati unutar urbanih područja u skladu sa opredjeljenjima Prostornog plana.

Prostornim planom su uspostavljene smjernice razvoja društvene infrastrukture u pojedinim oblastima, a detaljnim dokumentima prostornog uređenja je neophodno dati prijedloge lociranja objekata društvene infrastrukture i urbane opreme uz poštivanje Prostornim planom utvrđenih ciljeva i uspostavljenih centraliteta u odnosu na korisnike.

POGLAVLJE VI. UVJETI KORIŠTENJA PROSTORA NA ZAŠTITNIM POJASEVIMA

Članak 23.

Prostornim planom definiraju se osnovni funkcionalni, prostorni i ekološki uvjeti za korištenje

prostora na zaštitnim pojasevima infrastrukturnih sustava.

Trase infrastrukturnih sustava prikazane su na grafičkim prilogima broj 8a, 8b, 9a, 9b i 14a Prostornog plana. Utvrđena koncepcijska rješenja infrastrukturnih koridora dozvoljavaju odgovarajuća manja prostorna odstupanja i prilagođavanja, u postupku izrade i donošenja urbanističkih i detaljnih planova i definiranja detaljnih uvjeta za gradnju novih i obnovu postojećih infrastrukturnih sustava.

Kod planiranja izgradnje infrastrukturnih sustava potrebno je osigurati ravnotežu i usklađenost između svih korisnika prostora sa težištem na zaštitu okoliša.

POGLAVLJE VII. ZAŠTITNI POJASEVI PROMETNIH POVRŠINA

Članak 24.

(1) Širine zaštitnih cestovnih pojaseva propisane su Zakonom o cestama Federacije Bosne i Hercegovine ("Službene novine Federacija Bosne i Hercegovine", broj 12/10, 16/10 i 66/2013).

(2) Zaštitni pojas uz javne ceste (zaštitni cestovni pojas) je zemljišni pojas na kojem važi poseban režim gradnje i uspostavlja se s ciljem zaštite javne ceste i sigurnosti prometa na njoj od štetnih uticaja i različitih aktivnosti u prostoru pored javne ceste.

(3) Zaštitni cestovni pojas mjeri se od vanjskog ruba cestovnog pojasa tako da je u pravilu širok sa svake strane:

a) autoceste	40 m
b) magistralne ceste	20 m
c) regionalne ceste	10 m
d) sabirne lokalne ceste	5 m
e) lokalne ceste	5 m

(4) Cestovni pojas čini projektovani poprečni presjek ceste i najmanje jedan metar sa obje strane računajući od krajnjih točaka poprečnog profila ceste.

(5) Cjevovodi, kablovi i vodovi mogu se postavljati u zaštitnom cestovnom pojasu, izuzetno i u cestovnom pojasu, a benzinske crpke i parkirališta mogu se postavljati i graditi u zaštitnom i cestovnom pojasu javne ceste na način i pod uvjetima utvrđenim u odobrenju, odnosno suglasnosti nadležnog federalnog i županijskog organa.

(6) Unutar prostora ovako definiranih koridora omogućuje se gradnja novih i rekonstrukcija postojećih javnih cesta.

(7) Zaštitni pojasevi koji su određeni zakonom, nisu sastavni dio cestovnog pojasa, nego su prostori za gradnju i korištenje kod kojih posebne uvjete propisuje nadležna uprava za ceste.

Članak 25.

Širina koridora za javne ceste unutar građevinskih područja i zaštićenih područja prirode određuje se prema posebnim propisima i uvjetima nadležnih upravnih tijela ovisno o kategoriji ceste i kategoriji zaštite.

Ukoliko za naseljeno mjesto nije usvojena planska dokumentacija, odnosno ako nije riješeno plansko priključivanje novih objekata na postojeće magistralne, regionalne i lokalne ceste, ne može se odobriti nikakva gradnja u zaštitnom pojasu tih cesta.

Građevine koje će se graditi uz autocestu, magistralnu, regionalnu ili lokalnu cestu, ne smiju biti na udaljenosti manjoj od udaljenosti određene propisima o javnim cestama.

POGLAVLJE VIII. ZAŠTITNI POJASEVI ENERGETSKE INFRASTRUKTURE

Članak 26.

Svi novi objekti za proizvodnju elektroenergije moraju biti građeni u skladu sa europskim standardima u smislu primjene najsavremenijih tehničkih rješenja opreme, sa aspekta ekonomičnosti i zaštite okoliša.

Zaštitni pojasevi uz trase postojećih i planiranih dalekovoda utvrđuju se za:

- 110 kV u širini 20 m,
- 35 kV u širini 20 m,
- 10 kV u širini 12 m.

Odnosi svih objekata i elektroenergetskih vodova moraju se rješavati u skladu sa važećim Pravilnikom o bezbjednosti nadzemnih elektroenergetskih vodova nazivnog napona od 110 kV do 400 kV ("Službene novine FBiH", br. 13/08) i Pravilnikom o tehničkim normativima za izgradnju nadzemnih elektroenergetskih vodova nazivnog napona od 1 kV do 400 kV. ("Sl. list SFRJ", broj 65/88).

Članak 27.

U pojasu širine od 30 m lijevo i desno od ose plinovoda, nakon izgradnje plinovoda zabranjeno je graditi objekte namjenjene za stanovanje.

Članak 28.

U pogledu izgradnje sustava daljinskog grijanja neophodno je poduzimati mjere s primarnim ciljem povećanja energetske efikasnosti, te poboljšanja funkcioniranja, poslovanja i konkurentnosti poduzeća koja se bave djelatnošću isporuke toplotne energije.

Razvoj sustava daljinskog grijanja neophodno je prilagoditi promjenama koje će nastati usljed novog tržišnog okruženja i na način optimalnog korištenja postojećih potencijala i minimiziranje slabosti koje bi mogle nastati usljed razvoja tržišta.

POGLAVLJE IX. ZAŠTITNI POJASEVI IZVORIŠTA, VODOTOKOVA I VODNE INFRASTRUKTURE

Članak 29.

Zabranjuje se svaka intervencija na prostoru općine koja može na bilo koji način ugroziti kvalitet podzemnih i površinskih voda.

U postupku odobravanja izgradnje građevina obavezan uvjet je i odgovarajući tretman otpadnih voda, kao i adekvatno rješavanje prikupljanja, distribucije i odlaganja otpadaka.

Članak 30.

Općina i upravljači javnih vodovoda dužni su održavati, rekonstruisati ili dograđivati postojeće vodovodne mreže na način optimiziranja kapaciteta postojećih izvorišta do raspoloživih resursa.

Dodatne količine vode obezbjeđivati izgradnjom novih izvorišnih objekata na lokalnoj razini.

Postojeća i potencijalna izvorišta, kao i utvrđene zone zaštite izvorišta prikazani su na grafičkom prilogu br. 8b Plana.

Članak 31.

Nadležni općinski organi i upravljači javnih vodovoda dužni su obezbijediti zaštitu izvorišta pitkih voda u skladu sa Zakonom o vodama Županije Posavske ("Narodne novine Županije Posavske", broj 65/00) i Pravilnikom o načinu utvrđivanja uvjeta za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva ("Službene novine Federacije BiH", broj 88/12), i kroz donošenje odgovarajućih općih akata i odluka.

Priobalni pojas vodnog dobra za površinske vode I. kategorije iznosi 15 metara od granice obale (izrazite morfološke promjene), a priobalni pojas za površinske vode II. kategorije iznosi 5 metara od granice obale (izrazite morfološke promjene) prema Zakonu o vodama ("Službene novine FBiH", br. 70/06).

POGLAVLJE X. MJERE OČUVANJA KULTURNO - POVIJESNOG NASLJEĐA

Članak 32.

Popis (lokacija), valorizacija i osnovne mjere za zaštitu kulturno – povijesnog nasljeđa su date u poglavlju VIII Prostorne osnove (Postojeće stanje) i poglavlju XIV Prostornog plana (Projekcija prostornog razvoja).

Obaveza nadležnih organa je da obezbijede zaštitu i očuvanje kulturno – povijesnog nasljeđa i da u postupku izrade i donošenja detaljnih planskih dokumenata obezbijede odgovarajuću suradnju nositelja izrade planskih dokumenata sa nadležnim institucijama za očuvanje i zaštitu kulturno – povijesnog nasljeđa.

POGLAVLJE XI. OČUVANJE ZAŠTIĆENIH PODRUČJA PRIRODE

Članak 33.

Popis i opis područja okarakteriziranih kao prirodno nasljeđe općine Odžak je dat u poglavlju XII Prostornog plana (Projekcija prostornog razvoja).

Obaveza nadležnih organa je da izvrše adekvatnu zaštitu i očuvanje prirodnog nasljeđa kroz donošenje adekvatnih dokumenata i zakonske regulative za zaštitu prirodnog nasljeđa, kao i da omoguće njihovu interpolaciju i dosljednu primjenu u svim dokumentima i razinama prostornog planiranja.

Zabranjuju se sve aktivnosti koje na bilo koji način mogu ugroziti prirodne vrijednosti predložene za zaštitu na području općine.

POGLAVLJE XII. POSTUPANJE SA OTPADOM

Članak 34.

Osnovni zadatak planskog upravljanja otpadom na području općine Odžak je uspostavljanje mehanizama za implementaciju integralnog upravljanja otpadom na području općine.

POGLAVLJE XIII. UVJETI ZA LOCIRANJE I KORIŠTENJE DEPONIJIA

Članak 35.

Planom je definirano zbrinjavanje komunalnog otpada sa područja općine izgradnjom regionalne sanitarne deponije na području grada Doboja ili općine Orašje.

POGLAVLJE XIV. SPREČAVANJE NEPOVOLJNIH UTICAJA NA OKOLIŠ

Članak 36.

Prostornim planom u poglavlju XIII (Projekcija prostornog razvoja), kao i na grafičkom prilogu br. 10 utvrđene su mjere zaštite od zagađenja zraka, vode, tla, a takođe su utvrđeni prostori predviđeni za sanaciju.

POGLAVLJE XV. ZAŠTITA PRAVA LICA SA SMANJENIM TJELESNIM SPOSOBNOSTIMA

Članak 37.

Pri izradi detaljnih planskih dokumenata obavezno je definirati uvjete i mjere svim učesnicima u planiranju, projektovanju i izgradnji javnih i stambenih objekata za normalno korištenje istih licima sa smanjenim tjelesnim sposobnostima, i u tom smislu obaveza je učesnika da u svakoj fazi propisuje konkretne uvjete zavisno od razine planskih dokumenata koji se izrađuju i donose.

POGLAVLJE XVI. ZAŠTITA STANOVNIKA I MATERIJALNIH DOBARA

Članak 38.

Zabranjena je gradnja objekata na nepovoljnim terenima u inženjerskogeološkom smislu, dok se na osnovu tehničko – tehnoloških ekspertiza ne utvrdi da je moguća izgradnja na takvim zemljištima.

Detaljne granice uvjetno povoljnih i nepovoljnih terena u inženjerskogeološkom smislu potrebno je utvrditi kroz urbanistički plan i regulacione planove na geodetskim podlogama koje omogućavaju detaljnije sagledavanje kategorije terena, što će direktno utjecati na uvjete građenja u pojedinim urbanim područjima.

Članak 39.

Zabranjena je upotreba svih kancerogenih materijala, uređaja i postrojenja koja emitiraju radioaktivna zračenja štetna po zdravlje ljudi.

Članak 40.

Plavna područja definirana su Prostornom osnovom (Postojeće stanje) u poglavlju XII, kao i na grafičkom prilogu br. 18 Prostorne osnove.

U poglavlju XVI Prostornog plana (Projekcija prostornog razvoja) utvrđene su osnovne mjere zaštite od poplava.

Članak 41.

Zabranjeno je korištenje zemljišta za bilo kakvu namjenu površina kontaminiranih minama i minsko – eksplozivnim sredstvima dok se ne izvrši njihovo deminiranje.

U Prostornom planu na grafičkom prilogu br. 13 prikazane su sumnjive minske površine.

Općina mora izraditi plan etapnog realiziranja deminiranja u skladu sa definiranim namjenama prostora na području općine.

U procesu realiziranja etapnog deminiranja prostora, prioritet moraju biti planirane proizvodno – poslovne zone, građevinska zemljišta u urbanim područjima ili van njih (namjenjena stanovanju i gospodarskim kompleksima), područja značajna za razvoj poljoprivrede, kao i područja prometnih komunikacija i lokaliteti od strateškog značaja.

DIO ČETVRTI - UVJETI ZA IZGRADNJU I KORIŠTENJE PROSTORA

Članak 42.

Izgradnja naselja, građevina i drugi zahvati u prostoru na području općine mogu se odobriti u urbanim područjima i na građevinskim zemljištima van urbanih područja, te u proizvodno - poslovnim zonama utvrđenim Prostornim planom.

Članak 43.

Izuzetno od odredaba članka 42, izvan granica urbanog područja, građevinskih zemljišta van urbanih područja i proizvodno - poslovnih zona može se vršiti građenje koje, s obzirom na svoje osobenosti, zauzima područje izvan prethodno navedenih područja, i to:

- a) građevine magistralne i regionalne infrastrukture (prometna, energetska, vodoprivredna, telekomunikacijska i dr. sa pratećim objektima);
- b) zdravstvene, rekreacijske i sportske građevine, uključujući građevine za turizam;
- c) građevine za manipulaciju i skladištenje zapaljivo – eksplozivnih sredstava;
- d) građevine za potrebe obrane i vojske;
- e) stambene i gospodarske građevine poljoprivrednog proizvođača za potrebe poljoprivredne proizvodnje i seoskog turizma, uključujući melioracione sustave i sustave navodnjavanja;
- f) istraživanje, iskorištavanje i uređivanje prostora prirodnih dobara (mineralne sirovine, šume, vode, poljoprivredno zemljište i dr);
- g) komunalne građevine (deponije komunalnog otpada, groblja, spomen obilježja i sl.);
- h) rekonstruiranje postojećih objekata izgrađenih van granica građevinskog zemljišta.

Članak 44.

Izgradnja objekata i drugi zahvati u prostoru iz članka 43 (osim objekata infrastrukturnih sustava), ne mogu se odobriti na zemljištima koja su Prostornim planom i odredbama ove odluke i drugim propisima, utvrđena kao zaštićeni pojasevi i zone.

Članak 45.

Građenje se odobrava u skladu sa Prostornim planom, odredbama ove odluke i urbanističkom suglasnošću, kako je to utvrđeno Zakonom.

Članak 46.

Ostali uvjeti za izgradnju i korištenje prostora biće utvrđeni izradom i donošenjem detaljnih planskih dokumenata.

DIO PETI – ZAVRŠNE ODREDBE

Članak 47.

Prostorni plan pokriva cijelu teritoriju općine sa globalnim pokazateljima i opredjeljenjima. Da bi se moglo operativno djelovati na cijeloj teritoriji, potrebno je u kontinuitetu nastaviti aktivnosti kojim će se ostvariti mogućnosti rada svih državnih organa svih razina nadležnosti da konkretno ostvare zacrtane ciljeve i opredjeljenja. Da bi se ovo moglo sprovesti, potrebno je odmah pristupiti ostvarenju sljedećeg:

- a) Izvršiti inventarizaciju raspoložive prostorno – planske dokumentacije svih razina izrade i donošenja, u tom postupku izvršiti selekciju i usklađivanje svih do sada donesenih dokumenata prostornog uređenja;
- b) Izvršiti usklađivanje svih dokumenata koji nisu u skladu sa Prostornim planom, a za dokumente kojima je istekao rok važnosti donijeti odluku o daljoj primjeni ukoliko nisu u suprotnosti sa Prostornim planom.
- c) Obezbijediti izradu planskih dokumenata propisanih Zakonom u roku od godinu dana od donošenja Prostornog plana;
- d) Obezbijediti izradu detaljnijih planskih dokumenata.

Realiziranje mjera provedbe Prostornog plana će voditi Nositelj pripreme plana, odnosno Služba za prostorno uređenje i katastar nekretnina općine Odžak.

Članak 48.

Ova Odluka stupa na snagu osmog dana od dana objavljivanja u "Službenom glasniku općine Odžak".

**BOSNA I HERCEGOVINA
FEDERACIJA BOSNE HERCEGOVINE
ŽUPANIJA/KANTON POSAVSKI
OPĆINA ODŽAK
OPĆINSKO VIJEĆE**

Broj: 01-01-05/18

Datum: 8. 1. 2018. godine

PREDSJEDATELJ O.V.-a

Mujo Puzić

Na temelju članka 25. Statuta Općine Odžak („Službeni glasnik Općine Odžak“, broj 02/09), Općinsko vijeće Odžak na X. redovitoj sjednici održanoj dana 8. 1. 2018. godine, donosi

O D L U K U
o dodijeli stipendija za akademsku 2017./2018. godinu

Članak 1.

Za akademsku 2017./2018. godinu dodjeljuje se 15 (petnaest) stipendija u mjesečnom iznosu od po 150,00 KM (slovima: stopedesetkonvertibilnihmaraka) u trajanju od 10 (deset) mjeseci, redovitim studentima sa prebivalištem u općini Odžak, upisanih u visoke školske organizacije.

Članak 2.

Na temelju ove Odluke Općinski načelnik će imenovati Povjerenstvo za provođenje natječaja, a koje će raspisati natječaj i nakon isteka natječajnog roka za prijavu izvršiti odabir studenata prema utvrđenim kriterijima, sa kojima će se potpisati ugovor o stipendiranju sukladno kriterijima iz natječaja.

Članak 3.

Ostale pojedinosti vezane za način isplate i dužinu primanja stipendija između ugovarača biti će regulirane odredbama ugovora o stipendiji.

Članak 4.

Studenti koji su koristili stipendiju u prethodnoj godini obvezni su donijeti potvrdu o završenoj prošloj godini studija i potvrdu o upisu u narednoj godini, kako bi nastavili primati stipendiju u tekućoj godini, a u protivnom stipendija će biti obustavljena.

Članak 5.

Ova Odluka stupa na snagu danom donošenja, a ista će biti objavljena u Službenom glasniku Općine Odžak.

BOSNA I HERCEGOVINA
FEDERACIJA BOSNE I HERCEGOVINE
ŽUPANIJA/KANTON POSAVSKI
OPĆINA ODŽAK
OPĆINSKO VIJEĆE

Br.01-01-06/18

Dana: 8. 1. 2018. godine

Predsjedatelj OV-a:

Mujo Puzić

Temeljem članka 310. i 372. Zakona o gospodarskim društvima („Službene novine Federacije BiH“, broj: 81/15), članka 10. stavak 2. točka 1. i članka 46. Statuta JP „Komunalac“ d.o.o. Odžak - Prečišćen tekst („Službeni glasnik Općine Odžak“, broj: 1/06) , članka 25. Statuta Općine Odžak („Službeni glasnik Općine Odžak“, broj: 2/09), Skupština JP „Komunalac“ d.o.o. - Općinsko vijeće općine Odžak, na svojoj X. redovitoj sjednici održanoj dana 8. 1. 2018. godine, donijelo je:

O D L U K U

o izmjenama i dopunama Statuta JP „Komunalac“ d.o.o. Odžak

Članak 1.

Ovom Odlukom vrše se izmjene i dopune Statuta JP „Komunalac“ d.o.o. Odžak – (Prečišćeni tekst), objavljenog u «Službenom glasniku općine Odžak», broj: 1/06,

Članak 2.

U članku 1. iza točke 17. dodaje se točka 18. koja glasi: „organizacija društva“, točka 19. koja glasi: „prestanak društva“, točka 20. koja glasi: „vođenje poslovanja“ i točka 21. koja glasi: „i drugi elementi propisani Zakonom o gospodarskim društvima“.

Članak 3.

U članku 3. dodaje se stavak 3. koji glasi:

„Firma se obavezno ističe na poslovnim prostorijama JP „Komunalac“ d.o.o. Odžak. Skraćeni naziv firme upisuje se u registar društava“.

Iza stavka 3. dodaje se stavak 4. koji glasi:

JP „Komunalac“ d.o.o. Odžak je dužno u poslovanju koristiti punu ili skraćenu firmu kakva je upisana u registar društava.»

Iza stavka 4. dodaje se stavak 5. koji glasi:

„Sva poslovna pisma i narudžbe moraju sadržavati:

- punu firmu i adresu sjedišta,
- naziv i sjedište institucije i broj pod kojim je JP „Komunalac“ d.o.o. Odžak upisano,
- broj računa sa nazivom i sjedištem financijske organizacije kod koje drži račun, a ukoliko ima više računa za svaki od njih i
- porezni identifikacijski broj.“

Iza stavka 5. dodaje se stavak 6. koji glasi:

„Firma se može prenijeti samo ukoliko se vrši prijenos društva“.

Članak 4.

U članku 5. dodaje se stavak 3. koji glasi:

„JP „Komunalac“ d.o.o. Odžak može obavljati poslove samo u okviru djelatnosti upisane u registar nadležnog suda, a iznimno, može obavljati i druge poslove koji se uobičajeno obavljaju uz djelatnost upisane u registar u obimu i na način koji su potrebni za poslovanje, a ne predstavljaju obavljanje poslova kao redovne djelatnosti.

Promjena podataka i isprava upisuje se u registar nadležnog suda.“

Članak 5.

U članku 7. mijenaju se riječi „iznosi najmanje 2.000,00 KM“ sa riječima „iznosi najmanje 1.000,00 KM“.

Članak 6.

Članak 9. mijenja se i glasi:

„Organi JP »Komunalac« d.o.o. Odžak su:

- Skupština,
- Nadzorni odbor,
- Uprava(menadžment), kao organi upravljanja i
- Odbor za reviziju“.

Članak 7.

U članku 11. brišu se stavci 3, 4 i 6.

U istom članku u stavku 5. briše se riječ „objavljeni“.

Članak 8.

U članku 12. stavak 6. mijenja se i glasi:

„Skupština—Općinsko vijeće Odžak odlučuje dvotrećinskom većinom ukupnog broja svojih članova u slučajevima:

- odlučivanja o promjeni oblika Javnog poduzeća i
- odlučivanja o prestanku Javnog poduzeća“.

Članak 9.

U članku 14. točka 4. mijenja se i glasi:

„ako nema najmanje višu stručnu spremu“.

Članak 10.

U članku 19. stavak 1. vrše se izmjene i dopune:

- u točki 3. iza riječi „poslovnike“ dodaju se riječi „i druga normativna akta za koja ima nadležnost“.
- u točki 5. riječ „izbor“ zamjenjuje se riječju „odabir“.
- u točki 7. riječ „profit“ zamjenjuje se riječju „dobit“.
- u točki 8. iza riječi „predlaže“ dodaju se riječi: „Skupštini - Općinskom vijeću“.
- točka 9. mijenja se i glasi:
„imenuje i razrješava Upravu u skladu sa važećim zakonskim propisima i normativnim aktima JP »Komunalac« d.o.o. Odžak“,
- u točki 10. na kraju teksta dodaju se riječi: „i Zakona o gospodarskim društvima“.
- u točki 11. riječ „upute“ zamjenjuje se riječju „preporuke“.

Članak 11.

U članku 23. stavak 3. mijenja se i glasi:

„Kandidat za izbor i imenovanje direktora pored općih uvjeta predviđenih Zakonom, treba da ispunjava i sljedeće uvjete:

- da ima završenu višu ili visoku stručnu spremu,
- da ima najmanje 3 (tri) godine radnog iskustva u struci,
- da posjeduje komunikativnost, radne i organizacijske sposobnosti“.

Članak 12.

U članku 25. iza stavka 1. dodaje se stavak 1a. koji glasi:

„JP »Komunalac« d.o.o. Odžak zastupa Uprava-direktor.“

U stavku 5. točka 1. istog članka mijenja se i glasi: „organizira rad i rukovodi poslovanjem Javnog poduzeća“.

U stavku 5. točka 5. istog članka na kraju teksta dodaje se tekst koji glasi: „sukladno Zakonu o javnim nabavkama BiH“.

U stavku 5. točka 6. istog članka riječ „profita“ zamjenjuje se riječju „dobiti“.

Članak 13.

Članak 28. mijenja se i glasi:

„Osnovni kapital JP „Komunalac“ d.o.o. Odžak povećava se na temelju odluke Skupštine - Općinskog vijeća općine Odžak, uplatom ili unošenjem novih uloga.

Osnovni kapital JP „Komunalac“ d.o.o. Odžak može se smanjiti odlukom Skupštine - Općinskog vijeća općine Odžak sukladno Zakonu o gospodarskim društvima, Osnivačkom aktu i Statutu društva, ali ne ispod 1.000,00 KM“.

Članak 14.

Članak 29. mijenja se i glasi:

JP »Komunalac« kao društvo s ograničenom odgovornošću može promijeniti oblik u dioničko društvo, na temelju odluke Skupštine—Općinskog vijeća općine Odžak, donesene dvotrećinskom većinom glasova svih članova Skupštine - Općinskog vijeća općine Odžak.

Uprava-direktor JP „Komunalac“ d.o.o. Odžak podnosi zahtjev za odobrenje promjene oblika društva u dioničko društvo, uz koji prilaže odluku Skupštine - Općinskog vijeća općine Odžak o promjeni oblika društva.

„Na temelju Odluke o odobrenju promjene oblika izvršit će se upis promjene oblika društva u registar društava“.

Društvo sa ograničenom odgovornošću može se spojiti sa drugim društvom sa ograničenom odgovornošću ili dioničkim društvom ili se pripojiti jednom od njih, ali ne prije isteka dvije (2) godine od dana upisa društva u registar društava.

Članak 15.

U članku 32. uvodi se novi stavak 1. koji glasi:

„Osobe koje imaju posebne dužnosti prema JP „Komunalac“ d.o.o. Odžak su: članovi uprave, predsjednik i članovi Nadzornog odbora i likvidacijski upravnik“.

Članak 16.

U članku 35.stavak 1. riječ „profita“ zamjenjuje se riječju „dobiti“.

U istom članku stavka 5. točka 1. riječ „profita“ zamjenjuje se riječju „dobiti“.

Članak 17.

U članku 42. stavak 8. se briše.

Članak 18.

U članku 43. stavak 1. točka 1., na kraju postojećeg teksta dodaje se tekst koji glasi:

„osim u procesu prestrukturiranja kada Javno poduzeće može izvršiti ulaganja ili dati pozajmicu privrednom društvu isključivo na osnovu odluke Skupštine JP „Komunalac“ d.o.o. Odžak—Općinskog vijeća općine Odžak“.

U stavku 1. istog članka točka 4. mijenja se i glasi: „Isplata plaća zaposlenicima bez uplate doprinosa i poreza u skladu sa važećim zakonskim propisima“.

U stavku 2. istog članka točka 5. riječ « dugovanja» zamjenjuje se riječju „potraživanja“.

U stavku 2. istog članka dodaje se nova točka 6. koja glasi: „Zaključivanje ugovora o

izmirenju dospjelog duga prema Javnom poduzeću, pod povoljnijim uvjetima koje utvrđuje Vlada Federacije BiH“.

Članak 19.

Članak 44. mijenja se i glasi:

„Zaposleni u JP “Komunalac” d.o.o. Odžak, mogu u skladu s čl. 42. Zakona o gospodarskim društvima organizirati sindikat ili vijeće uposlenika sukladno Zakonu o radu i Zakonu o vijeću uposlenika“.

Članak 20.

Članak 45. mijenja se i glasi:

„Pitanja koja nisu regulirana odredbama ovog Statuta rješavati će se primjenom odredaba Zakona o javnim poduzećima u Federaciji Bosne i Hercegovine i Zakona o gospodarskim društvima“.

Članak 21.

Ova Odluka stupa na snagu danom donošenja, a objavit će se u „Službenom glasniku Općine Odžak“.

**BOSNA I HERCEGOVINA
FEDERACIJA BOSNE HERCEGOVINE
ŽUPANIJA/KANTON POSAVSKI
OPĆINA ODŽAK
OPĆINSKO VIJEĆE**

Broj: 01-01-07/18

Datum: 8. 1. 2018. god.

PREDSJEDATELJ OV-a

Mujo Pužić

Na temelju članka 25. Statuta Općine Odžak („*Službeni glasnik Općine Odžak*“ br. 2/09), Općinsko vijeće Odžak na X. redovitoj sjednici održanoj dana 8. 1. 2018. godine donosi

Z A K L J U Č A K

Članak 1.

Donosi se Zaključak kojim se usvaja Izvješće o provedenoj proceduri za izradu Prostornog plana općine Odžak za period od 2015. - 2035. godine.

Članak 2.

Dokument *Izvješće o provedenoj proceduri za izradu Prostornog plana općine Odžak za period od 2015. - 2035. godine* čini sastavni dio ovog Zaključka.

Članak 3.

Ovaj Zaključak stupa na snagu danom donošenja, a isti će biti objavljen u „*Službenom glasniku Općine Odžak*“.

**BOSNA I HERCEGOVINA
FEDERACIJA BOSNE HERCEGOVINE
ŽUPANIJA POSAVSKA
OPĆINA ODŽAK
OPĆINSKO VIJEĆE**

Broj:01-01-03/18

Datum: 8. 1. 2018. godine

PREDSJEDATELJ OV-a

Mujo Puzić

**BOSNA I HERCEGOVINA
FEDERACIJA BOSNE I HERCEGOVINE
ŽUPANIJA POSAVSKA
OPĆINA ODŽAK
SLUŽBA ZA PROSTORNO UREĐENJE I KATASTAR NEKRETNINA**

Datum, 1. 12. 2017. god.

**OPĆINSKO VIJEĆE
OPĆINE ODŽAK**

**IZVJEŠĆE O PROVEDENOJ PROCEDURI ZA IZRADU
PROSTORNOG PLANA OPĆINE ODŽAK ZA PERIOD 2015. – 2035. GODINA**

U općini Odžak u tijeku je redovna zakonska procedura izrade i donošenja planskog dokumenta tj. Prostornog plana općine Odžak za period 2015-2035. godina.

Prostorni plan je obavezujući planski dokument kojim se određuje organiziranje, korištenje i namjena zemljišta, te mjere i smjernice za zaštitu prostora općine Odžak.

Općinsko vijeće donijelo je Odluku o pristupanju izrade Prostornog plana općine Odžak za period 2015. - 2035. god. ("Sl. Glasnik Općine Odžak br." 5/2015. god. od 30. 6. 2015. god.) kojom se regulira postupak izrade Prostornog plana općine Odžak, određuje nositelj pripreme i nositelj izrade planskog dokumenta, definira se obuhvat Prostornog plana, vremenski period za koji se planski dokument donosi, način osiguranja sredstava za izradu Plana, te drugi elementi vezani za specifičnost prostora koji se radi.

Granice Prostornog plana su jednake granicama općine Odžak, a ukupna površina koja je obuhvaćena Prostornim planom iznosi cca 164,47 km².

Program i plan aktivnosti za pripremu i izradu Prostornog plana izradio je Nositelj pripreme u suradnji sa Nositeljem izrade Prostornog plana.

Nositelj pripreme za izradu Prostornog plana općine Odžak za period 2015-2035 je Služba za prostorno uređenje i katastar nekretnina općine Odžak, dok je nositelj izrade Prostornog plana općine Odžak za period 2015-2035. g. - "Urbis Centar" d.o.o Banja Luka, planiranje, projektovanje i konslting.

Nositelj izrade "Urbis Centar" d.o.o Banja Luka izradio je nacrt Prostornog plana općine Odžak za period 2015-2035 god. kojeg je Zaključkom broj 01-01-261/17 prihvatilo Općinsko vijeće na sjednici održanoj dana 19.07. 2017. god., te zadužilo Službu za prostorno uređenje i katastar nekretnina općine Odžak da u trajanju od 30 dana provede javnu raspravu na nacrt Prostornog plana.

Javni uvid na nacrt Prostornog plana općine Odžak za period 2015-2035. god. održan je u prostorijama općine Odžak u razdoblju od 04. 08. - 04. 09. 2017. god. u trajanju od 30 dana. Dana 30.08. 2017. god. u sali Male vijećnice održana je Javna rasprava o nacrtu Prostornog plana općine Odžak za period 2015 -2035. god. Javnoj raspravi nazočili su Općinski načelnik Jakov Ivanković, predsjedatelj Općinskog vijeća Mujo Puzić, djelatnici Službe za prostorno uređenje i katastar nekretnina općine Odžak (kao nositelji pripreme Prostornog plana), predstavnici "Urbis Centra" Banja Luka (kao nositelji izrade Prostornog plana), te zainteresirani građani općine Odžak.

Tom prilikom svoje primjedbe i sugestije iznijelo je 5 (pet) učesnika u raspravi, dok je na nacrt Prostornog plana općine Odžak za period 2015-2035 god. putem Službe za prostorno uređenje i katastar nekretnina općine Odžak pristiglo je 6 (šest) primjedbi na koje je dat

odgovarajući odgovor.

Pristigle primjedbe na Prostorni plan općine Odžak za period 2015-2035 razmatrane su i od strane Savjeta Prostornog plana općine Odžak kojeg je osnovalo Općinsko vijeće općine Odžak (Odluka o osnivanju Savjeta Prostornog plana općine Odžak, broj 01-01-284/16 od 25. 7. 2016. god.).

Savjet Prostornog plana općine Odžak na svom sastanku održanom dana 18.09. 2017. god. na kome je nazočilo 12 (dvanaest) sudionika, razmotrio je pristigle primjedbe koje su bile upućene od:

- 1.- M.Z. Gornji Svilaj- Gornji Svilaj, Odžak
- 2.- Refik Ahmetović – Odžak
- 3.- Edin Sofić – Odžak
- 4.- "Poljoprivrednik" d.o.o Odžak
- 5.- Zlata Mujan Odžak i Merima Čaušević Split
- 6.- Općinski načelnik i Služba za prostorno uređenje i katastar nekretnina općine Odžak

- Primjedba M.Z. Gornji Svilaj odnosila se na rješenje "RETENCIJE" na lokaciji Ritovi u k.o. Gornji Svilaj. Stav Savjeta plana je da se uvaži primjedba.

- Primjedba Refika Ahmetovića odnosila se na novu industrijsku zonu Jug - Čopori, novu deponiju smeća sa separacijom komunalnog otpada i uređenje Vakufske zgrade.

Stav Savjeta plana je da je vrlo teško iznaći novu lokaciju za deponiju smeća i da se jedino može ići u sanaciju postojeće. Uređenje vakufske zgrade biti će obuhvaćeno izmjenom Regulacijskog plana, dok je Prostornim planom naznačena je poduzetnička zona Jug.

- Za primjedbu Edina Sofića, stav Savjeta plana je da se kao primjedba ne može odnositi na nacrt Prostornog plana.

- Primjedba "Poljoprivrednik d.o.o Odžak odnosila se na izgradnju poljoprivrednih objekata van urbanih područja i umanjeње područja NATURA 2000.

Stav savjeta plana je da se uvažе primjedbe "Poljoprivrednik" d.o.o Odžak

- Primjedba Zlata Mujan i Merima Čaušević odnosila se na mogućnost gradnje gospodarskog objekta -Farma za uzgoj peradi i životinja.

Stav savjeta plana je da se u tekstualnom dijelu Prostornog plana opiše mogućnost izgradnje objekata kao što su gospodarski objekti i objekti za poljoprivrednu proizvodnju.

- Primjedba Općinski načelnik i Služba za prostorno uređenje i katastar nekretnina općine Odžak odnosila se na obuhvat poduzetničke zone "Sjever" i umanjeње potencijalnih područja NATURA 2000 na području naše općine.

Stav savjeta plana je da se proširi obuhvat poduzetničke zone "Sjever" tj. da se uskladi sa već usvojenom Odlukom OV i umanjí za 50% potencijalno područje natura 2000.

Nakon javnog uvida i obavljene javne rasprava na Prostorni plan općine Odžak za period 2015-2035. god. zakazana je Stručna rasprava za dan 17. 10. 2017. god. koja je objavljena i u dnevnim novinama tri dana prije i na dan održavanja rasprave.

Na stručnoj raspravi koja je održana 17.10. 2017. god. nazočilo je 17 sudionika te se raspravljalo o pristiglim primjedbama na Prostorni plan općine Odžak

Nositelj izrade "Urbis centar" d.o.o Banja Luka nakon uspješne faze javnog uvida te pristiglih primjedbi nakon održavanja javne rasprava od kojih je bilo ukupno 11 (6 pristiglih u općinsku upravu i 5 primjedbi sa javne rasprave), te održane stručne rasprave, usvojio je 2

primjedbe ili 18,18%; 4 primjedbe djelimično usvojene ili 36,36% i 5 primjedbi neprihvaćene (odbijene) ili 45,45%.

Po održanoj stručnoj raspravi nositelj izrade dostavio je prijedlog Prostornog plana općine Odžak za period 2015.—2035. god. koji će zajedno sa ovim izvješćem biti dostavljen Općinskom vijeću na razmatranje i usvajanje.

S poštovanjem

Služba za prostorno uređenje i katastar nekretnina
Općine Odžak

Na temelju članka 25. Statuta Općine Odžak („Službeni glasnik Općine Odžak“ br. 2/09) Općinsko vijeće Odžak, na svojoj X. redovitoj sjednici održanoj dana 08. 1. 2018. godine, donosi

ZAKLJUČAK
o usvajanju
-Elaborata o formiranju novih ulica
i dodjeli kućnih brojeva u Odžaku

Članak 1.

Donosi se Zaključak kojim se usvaja Elaborat o formiranju novih ulica i dodjeli kućnih brojeva u Odžaku.

Članak 2.

Ovaj Zaključak stupa na snagu osmog dana od dana objavljivanja u „Službenom glasniku Općine Odžak“.

BOSNA I HERCEGOVINA
FEDERACIJA BOSNE HERCEGOVINE
ŽUPANIJA/KANTON POSAVSKI
OPĆINA ODŽAK
OPĆINSKO VIJEĆE

Broj: 01-01-08/18
Datum: 8. 1. 2018. god.

PREDSJEDATELJ OV-a

Mujo Pužić

Na temelju članka 25. Statuta Općine Odžak („*Službeni glasnik Općine Odžak*“ br. 2/09), Općinsko vijeće Odžak na X. redovitoj sjednici održanoj dana 8. 1. 2018. donosi

Z A K L J U Č A K

Članak 1.

Donosi se Zaključak kojim se, u svrhu provođenja aktivnosti na Projektu registracije nekretnina, sistemskom ažuriranju podataka o nekretninama katastra i zemljišne knjige na području općine Odžak, daje suglasnost za formiranje građevinskih parcela na način da građevinsku parcelu čini osnova zgrade izgrađena na predmetnim parcelama.

Suglasnost se odnosi i na uplanjenje zgrada koje nisu evidentirane u katastarskoj evidenciji (BPKN) a što zajedno predstavlja osnov za cijepanje parcela kroz katastarski operat općine Odžak.

Članak 2.

Suglasnost iz članka 1. ovog Zaključka odnosi se isključivo na građevinske parcele, obuhvaćene navedenim Projektom, na kojima su izgrađene zgrade s upisanim vlasništvom u Knjizi položenih ugovora (KPU) koja se vodi u zemljišnom uredu Općinskog suda Orašje, odjeljenje u Odžaku.

Članak 3.

Ovaj Zaključak stupa na snagu danom donošenja, a isti će biti objavljen u „*Službenom glasniku Općine Odžak*“.

**BOSNA I HERCEGOVINA
FEDERACIJA BOSNE HERCEGOVINE
ŽUPANIJA/KANTON POSAVSKI
OPĆINA ODŽAK
OPĆINSKO VIJEĆE**

Broj: 01-01-09/18

Datum: 8. 1. 2018. godine

PREDSJEDATELJ OV-a

Mujo Puzić

Kazalo:

<i>Odluka o raspisivanju Javnog poziva za predlaganje kandidata za dodjelu priznanja općine Odžak</i>	<i>3</i>
<i>Javni poziv za predlaganje kandidata za dodjelu priznanja općine Odžak</i>	<i>4</i>
<i>Odluka o davanju suglasnosti za sklapanje ugovora</i>	<i>5</i>
<i>Odluka o usvajanju Prostornog plana općine Odžak za period 2015, – 2035. godine</i>	<i>6</i>
<i>Odluka o provođenju Prostornog plana općine Odžak za period 2015, – 2035. godine</i>	<i>9</i>
<i>Odluka o dodjeli stipendija za akademsku 2017./2018. godinu</i>	<i>21</i>
<i>Odluka o izmjenama i dopunama Statuta JP "Komunalac" d.o.o. Odžak</i>	<i>22</i>
<i>Zaključak</i>	<i>25</i>
<i>Izvešće o provedenoj proceduri za izradu Prostornog plana općine Odžak za period 2015. - 2035. godina</i>	<i>26</i>
<i>Zaključak o usvajanju Elaborata o formiranju novih ulica i dodjeli kućnih brojeva u Odžaku</i>	<i>30</i>
<i>Zaključak</i>	<i>31</i>